

Pani, viscotta e farinedda

Dù fimmini attraenti e dù beddi,
vinninu pani, pizza e viscutteddi
‘nvia Bonifaciu, ‘npunta cantunera
tra via Crispi e la strata la Fera.

E’ lu furnu di li fratelli Fal detta,
cu li fimmini narrè la vetrinetta,
matina pi matina tutti ‘mpupati
cu camici bianchi e labbra pittati.

Di Fal detta, panifici, cci nni su assà,
chisti su artigiani, furnara, di qualità,
fannu lu pani beddu cottu ca pari oru
sunnu cugnati, frati, niputi e soru.

Di li quatru, una è Maria, la principina,
l’atra Carmela, l’atra ancora Filippina,
po cc’è Giuggiu zza nicaredda e bedda,
tutti vinninu pani, viscotta e farinedda.

Li clienti arrivano ‘nbicicletta,
cu a la pedi, cu ‘n motoretta,
s’accattau lu pani ogni matina,
donna Cuncetta e la zia Pippina

Ti dunano un viscottu cu lu surriseddu,
su gentili cu tutti, puru cu lu vicineddu, ti
firri casciascia pi staricci cchiossà
pi li biddizzi, cortesii e pi li loru bontà.

Trasi p’ accatari pani, ova e pizza,
ti talianu, ti cunfunni, pi la biddizza,
torni ‘ntra senza accatari nenti
manci sulu frutta e strinci li denti.

Si vuliti essiri beddi senza midicina,
manciativi spissu pani cu la livatina,
si lu mancianu Pasquali e Antonietta,
lu megliu lu fa lu panificiu di Fal detta.

2008 Giuseppe Cardella